

漢魏叢書

大戴禮記

卷一
之七

漢

戴德

著

第九冊

大戴禮序

右大戴禮則十卷而云三十五篇所
載亦十三卷而夏小正別爲卷唐志
但云十三卷而無夏小正之別矣崇
文總目則十卷而云三十五篇無諸
本可正定也蓋自漢興得先儒所記

禮書凡二百四篇戴德刪之爲八十
五篇謂之大戴禮戴聖又刪德之書
爲四十九篇謂之小戴禮今立之學
官者小戴書也然大戴篇始三十九
終八十一二百四篇戴德刪之爲者
四篇而重之大戴禮戴聖又刪德其

上不見者猶三十八篇復不能合於八
十五篇之數豈但當爲八十一邪其缺
者或旣逸其不見者抑聖所取者也然
哀公問投壺二篇與小戴書無甚異禮
察篇與經解亦同曾子大孝篇與祭義
相似則聖已取之篇豈其文無所刪者

也勸學禮三本見於荀卿子至取舍之
說及係傳則見於賈誼疏間與經子同
者尙多有之按儒林傳德事孝宣嘗爲
信都太傅聖則爲九江太守今德書
乃題九江太守未知何所據也大抵
漢儒所傳皆出於七十子之徒後之

學者僅習小戴記不知大戴書矣其
揆索陰陽窮析物理推本性命雜言
禮樂之辨器數之詳必有自來以是
知聖門之學無不備也予家舊傳此
書嘗得范太史家一本按之篇卷悉
同其訛缺謬誤則不敢改益懼其寢

久而傳又加舛也乃刊置建安郡齋
庾可攷焉淳熙乙未歲後九月潁川
韓元吉書

大戴禮記目錄

卷一

主言

哀公問五義

哀公問於孔子

禮三本

卷二

禮察

夏小正

卷三

保傳

卷四

曾子立事

曾子本孝

曾子立孝

曾子大孝

曾子事父母

卷五

曾子制言上

曾子制言中

曾子制言下

曾子疾病

曾子天圓

卷六

武王踐阼

衛將軍文子

卷七

五帝德

帝繫

勸學

卷八

子張入官

盛德

明堂

卷九

千乘

四代

虞戴德

誥志

卷十

文王官人

諸侯遷廟

諸侯釁廟

卷十一

小辨

用兵

少間

卷十二

朝事

投壺

卷十三

公苻

本命

易本命

目錄終

大戴禮記卷一

漢梁人戴德著

堂本叅校

主言第三十九

孔子閒居曾子侍孔子曰參今之席曰弟子與大夫之言之閒也其至於君子之言者甚希矣於乎吾主言其不出而死乎哀哉曾子起曰敢問何謂主言孔子不應曾子懼肅然摠衣下席曰弟子知其不孫也得夫子之聞也難是以敢問也孔子不應曾子懼退負序而立孔子曰參女可語明主之道與曾子曰不

敢以爲足也得夫子之閒也難是以敢問孔子曰吾
語女道者所以明德也德者所以尊道也是故非德
不尊非道不明雖有國馬不教不服不可以取千里
里一本雖有博施衆民不以其地治之不可以霸王
作理

是故昔者明主內修七教外行所以尊道也焉可以
守三至行焉可以征七教不修教不服不可至不行
雖征不服是故明主之守也必其地治之不之外其
征也衽席之上還師是故內修行三至七教勞外行
三至而財不費此之謂明主之道也曾子曰敢問不

費不勞可以爲明乎孔子愀然揚麋

麋一作看

曰參女以

明主爲勞乎昔者舜左禹而右皋陶不下席而天下
治夫政之不中君之過也政之不中令之不行職事
者之罪也明主奚爲其勞也昔者明主關譏而不征
市廛而不稅稅十取一使民之力歲不過三日入山
澤以時有禁而無征此六者取財之路也明主捨其
四者而節其二者明主焉取其費也曾子曰敢問何
謂七教孔子曰上敬老則下益孝上順齒則下益悌
上樂施則下益諒上親賢則下擇友上好德則下不

隱上惡貪則下耻爭上強果則下廉耻民皆有別則
貞則正亦不勞矣此謂七教七教者治民之本也教
定是正矣上者民之表也表正則何物不正是故君
先立於仁則大夫忠而士信民敦工璞商慤女憧婦
空空七者教之志也七者布諸天下而不窅內諸尋
常之室而不塞是故聖人等之以禮立之以義行之
以順而民棄惡也如灌曾子曰弟子則不足道則至
矣孔子曰參姑止又有焉昔者明王之治民有法必
別地以州之分屬而治之然後賢民無所隱暴民無